

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
OPĆINSKI SUD U SARAJEVU
Broj: 65 0 Ip 653044 17 Ip
Sarajevo, 01.02.2024. godine

OPĆINSKI SUD U SARAJEVU i to sudija Tatjana Arapović u pravnoj stvari tražioca izvršenja KJKP „VODOVOD I KANALIZACIJA“ d.o.o. Sarajevo, ul. Jeroslava Černija br. 8, protiv izvršenika N.L., vl. SUR RAFAELO, ul. Čemaluša br. 12, Sarajevo, radi izvršenja, prodajom pokretnih stvari izvršenika putem javnog nadmetanja, na osnovu člana 126. i 130., a u vezi sa članovima 135., 82., 87., 88. i 89. Zakona o izvršnom postupku /»Sl. Novine FBiH broj 32/03 od 18.07.2003. godine, van ročišta donio je dana 01.02.2024. godine:

Z A K L J U Č A K
- o prodaji pokretnih stvari -

Određuje se drugo ročište za prodaju pokretnih stvari izvršenika N.L., vl. SUR RAFAELO, a koje se nalaze na adresi Čemaluša br. 12, Sarajevo, putem usmenog i javnog nadmetanja i to:

- | | |
|----------------------------|-----------------------------------|
| 1. STOLICA VISOKA (6 kom.) | procijenjena vrijednost 300,00 KM |
| 2. STOLICA MALA (4 kom.) | procijenjena vrijednost 200,00 KM |
| 3. STOL (4 kom.) | procijenjena vrijednost 400,00 KM |
| 4. TV SAMSUNG (crne boje) | procijenjena vrijednost 300,00 KM |

za dan ponedjeljak 18.03.2024.godine u 09:30 sati
koja će se održati u zgradi Općinskog suda u Sarajevu ul. Šenoina br. 1,
kancelarija broj 454/IV –služba sudskih izvršitelja

1. Rješenjem o izvršenju Općinskog suda u Sarajevu broj 65 0 Ip 653044 17 Ip od 16.06.2017. godine određeno je izvršenje pljenidbom, procjenom i prodajom pokretnih stvari izvršenika, a isto je pravomoćno sa 10.07.2017. godine.
2. Konstatuje se da je Sudski izvršni organ dan 22.11.2018. godine, obavio pljenidbu pokretnih stvari o čemu je sastavljen pljenidbeni popis, iste su ostavljene na čuvanje izvršeniku uz zabranu za dalje raspolaganje i istovremeno procijenio vrijednost pokretnih stvari kako je to navedeno u ovom Zaključku, o čemu je sastavljen Zapisnik broj gornji od 22.11.2018. godine.
3. Ročište za javno nadmetanje održat će se i kad prisustvuje samo jedan ponuđač, a sud će zaključkom na zahtjev lica koje ima pravo prvenstvenog namirenja odrediti da se ročište za prodaju odgodi ako učestvuje samo jedan ponuđač.
4. Konstatuje se da prvo ročište za prodaju pokretnih stvari izvršenika usmenim i javnim nadmetanjem zakazano za dan 02.04.2019. godine, u 9:30, sati, u zgradi Općinskog suda u Sarajevu, služba sudskih izvršitelja soba br. 454/IV, nije uspjelo.
5. Sud će u smislu člana 77. ZIP-a, a u vezi sa članom 135. ZIP-a zaključkom na zahtjev zainteresovanog lica omogućiti razgledanje zaplijenjenih pokretnih stvari, te istim odrediti način i vrijeme razgledanja uz prisustvo sudskog izvršioca, a koji zahtjev mora biti podnesen u pismenoj formi 8 dana prije održavanja ročišta.
6. Na drugom ročištu za prodaju pokretnih stvari putem usmenog i javnog nadmetanja pokretne stvari se mogu prodati bez ograničenja u pogledu iznosa njihove cijene.

7. Sud će obustaviti postupak ako se pokretne stvari koje su predmet prodaje ne uspiju prodati na drugom ročištu za prodaju putem usmenog i javnog nadmetanja.

8. Ponuđač sa najvećom ponudom će platiti cijenu za pokretnu stvar odmah nakon objavljivanja rezultata neposredno sudskom izvršitelju uz potvrdu ili na depozitni račun Općinskog suda u Sarajevu broj 1411965320009639 otvoren kod BBI Banke d.d Sarajevo, sa naznakom broja predmeta.

Po uplati cijene Sud će donijeti rješenje o dosudi, a potom i rješenje o namirenju.

Ovaj Zaključak objavit će se na oglasnoj ploči Općinskog suda u Sarajevu, a tražilac izvršenja može o svom trošku Zaključak o prodaji pokretnih stvari izvršenika putem usmenog i javnog nadmetanja objaviti u sredstvima javnog informisanja.

NAPOMENA: sudskom izvršitelju kao ovlaštenom licu za provođenje javnog nadmetanja/neposredne pogodbe, da ima u vidu to da ukoliko treća lica ne obavijeste sud o svojim pravima na pokretnoj stvari u posjedu izvršenika koja je predmet izvršenja, niti dokažu svoja prava na njima smatra se da takva prava trećih ne postoje i da je izvršenik vlasnik stvari koje se nalaze u njegovom posjedu.

SUDIJA
Tatjana Arapović

POUKA: Protiv ovog zaključka nema mjesta pravnom lijeku.